

Na osnovu člana 87. Zakona o javnim nabavkama Bosne i Hercegovine ("Službeni glasnik BiH", br. 39/14), nakon provedenog postupka direktnog sporazuma, zaključen je

**UGOVOR**  
**nabavci i isporuci kancelarijskog materijala**

između:

**1. Zavod za informatiku i statistiku Kantona Sarajevo, ulica Reisa DŽ. Čauševića 1, koju zastupa direktor Dino Šehović (u daljem tekstu: Kupac)**

**i**

**2. R&S d.o.o. iz Vogošće, ulica Igmanska bb, koju zastupa direktor Kemal Selmanagić (u daljem tekstu: Prodavac)**

**Član 1.**

Predmet ovog Ugovora je isporuka kancelarijskog materijala koje će Prodavac isporučiti Kupcu prema odredbama ovog Ugovora po ukupnoj cijeni ponude u iznosu od 872,76 KM bez PDV-a.

**Član 2.**

Sastavni dio ovog Ugovora je Ponuda Prodavca broj: 26967/19, od dana 19.11.2019. godine.

**Član 3.**

(1) Prodavac se obavezuje da će isporuku kancelarijskog materijala izvršiti prema nalogu Kupca, u roku od najkasnije 5 (pet) radnih dan od momenta narudžbe od strane Kupca.

(2) Za mjesto isporuke kancelarijskog materijala ugovara se adresa Hamida Dizdara 1, Sarajevo.

**Član 4.**

(1) Prodavac se obavezuje da robu fakturiše u ugovorenim rokovima, na osnovu otpremnih dokumenata potvrđenih od strane Kupca da je preuzeo robu te izdao i predao fakture i to na dan preuzimanja robe.

(2) Prodavac se obavezuje na nepromjenljivost ponuđenih cijena za ugovorene usluge tokom cijelog ugovornog perioda.

(3) Plaćanje će se vršiti prema ispostavljenoj fakturi u roku od 30 dana od dana isporuke kancelarijskog materijala.

**Član 5.**

(1) Prodavac se obavezuje da će isporuku predmetne robe izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

(2) Kupac je dužan da dostavi pisano obavještenje o svakom navodnom propustu Prodavca po ovom Ugovoru.

(3) Kupac će utvrditi razuman rok za ispravku propusta Prodavca u smislu izvršene isporuke.

(4) U slučaju eventualnih primjedbi kupca na kvalitet i količinu isporučene robe, Kupac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

**Član 6.**

Odredbe ovog Ugovora ne mogu se mijenjati nakon njegovog zaključenja.

**Član 7.**

Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme do izmirenja obaveza obje ugovorne strane, a najduže na period od godinu dana.

**Član 8**

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

**Član 9.**

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

**Član 10.**

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.


**Član 11.**

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka za vlastite potrebe.

Za Prodavca:



Broj: 66/2015  
Datum, 28.11.2015.



Broj: 26-17-41308-3/15  
Datum, 06.12.2015.